

Summarius

Breviter narratur de bellis a Romanis imperatoribus in Britannia gestis, a Claudio usque ad Severum.

De Britannia a Romanis subiecta et defensa¹

Anno ab Urbe condita DCCXCVIII Claudius, imperator ab Augusto quartus, *volens* se ipsum utilem reipublicae ostendere principem, bellum ubique tulit et victoriam quaesivit. Itaque bellum in Britanniam movit; ideo insulam petivit, quam, neque ante Iulium Caesarem, neque post eum, **quisquam** adire ausus erat, ibique sine ullo proelio ac sanguine intra paucissimos dies plurimam insulae partem in deditionem recepit. Orcades etiam insulas, *ultra Britanniam in Oceano positas*, Romano adiecit imperio, ac sexto, quam profectus erat, mense Romam rediit, filioque suo ‘Britannicum’ nomen inposuit. **Hoc** autem bellum quarto imperii sui anno gessit.

Ab eodem Claudio Vespasianus, *qui post Neronem imperavit, in Britanniam missus*, etiam Vectam insulam, Britanniae proximam, Romanorum imperio adiecit. *Succedens autem Claudio in imperium Nero*, nihil omnino in re militari ausus est: ideo, inter alia Romani multa regni detrimenta, Britanniam fere totam amisit; nam, *Nerone imperatore*, duo nobilissima oppida Britanniae capta atque subversa sunt ab hostibus.

Hadrianus imperator murum, **quod** et vallum dicitur, fecit *ad Britanniam defendendam*; Severus autem imperator, *cum vidisset*, magnis gravibusque proeliis saepe gestis, partem insulae Britanniae ab indomitis gentibus receptam esse, vallo **defendendam** insulam putavit. Itaque Severus magnam fossam fortissimumque vallum turribus munitum a mari ad mare duxit. Severus apud Eboracum urbem morbo mortuus est. Reliquit duos filios, Bassianum et Getam; Bassianus ‘Antonium’ cognomen habuit et regno potitus est; imperium solus gessit et ‘Caracalla’ a populo vocatus est.

adicio, is, ieci, iectum, ěre

addĕre

in deditionem recipĕre

victor dux “accipit in deditionem/potestatem” terras de victis hostibus

detrimentum

damnum

Eboracum

York

fere

quasi

nihil omnino

nihil ullo modo

Orcades

insulae, quae Anglice “Orkney” vocantur

proficiscor, eris, profectus sum, i

abeo

ubique

omni loco

Vecta

insula, quae Anglice “Wight” vocatur

¹ Verba non usitata post textum explicantur et hoc modo in textu ipso signantur: verbum.

1. Si propone una parafrasi del brano: completala inserendo al posto giusto 13 parole scelte fra quelle elencate dopo il testo (indica il numero nello spazio bianco):

Claudius, qui quartus post Augustum rem Romanam acceperat, voluit se utilem Romanis monstrare; ergo, victoriae desiderio, multos _____ petivit. In Britannos bellum gessit: neque ante Iulium Caesarem neque post eum, _____ imperator ad insulam ivit; Claudius autem paucos dies pugnavit, paucos milites perdidit et, brevi _____, magnam insulae partem subegit. Post Orcadum deditionem, cum _____ revertit, filius eius 'Britannicus' vocatus est. Postea Vespasianus, qui _____ fuit post Neronem, iubente Claudio, in Britanniam _____ et insulam Vectam, quae in mari _____ Britanniam est, cepit. Nero imperator Claudium secutus est, sed fere nullum bellum _____, multa detrimenta imperio Romano intulit et fere totam Britanniam amisit: duae illustres civitates in hostium manus ceciderunt. Post fere L annos Hadrianus imperator voluit Britanniam _____ defendere. Alterum vallum a Severo imperatore aedificatum est, quia propter magna et crudelia proelia pars insulae capta erat a _____ populis. _____ vallum turribus munitum erat et _____ a litore ad litus. Severus obiit morbo apud Eboracum et, _____ eius filii, Bassianus imperium cepit et Caracalla a Romanis vocatus est.

- | | | | |
|-----------|------------|-------------|-----------------|
| 1. nemo | 6. ducebat | 11. tempore | 16. ducebatur |
| 2. hostes | 7. ullus | 12. apud | 17. fortissimis |
| 3. die | 8. cives | 13. pro | 18. princeps |
| 4. bonis | 9. domum | 14. eius | 19. vallo |
| 5. ex | 10. inter | 15. incepit | 20. ivit |

2. Leggi le seguenti affermazioni riferite al testo e barra la risposta esatta (vero o falso)

1. Claudius voluit Romanorum imperio regiones adicere ut se bonum principem ostenderet	V	F
2. Multi principes insulam Britanniam capere voluerunt, sed Caesar unus eam vicit	V	F
3. Claudius multa proelia cum Britannis commisit ut insulae magnam partem subigeret	V	F
4. Post Britanniam Claudius ipse et Orcades insulas et Vectam cepit	V	F
5. Claudii filius 'Britannicus' vocatus est post Britannicum bellum	V	F
6. Vespasianus in Britanniam ivit, postquam imperatori Neroni successit	V	F
7. Cum Nero nulla proelia in hostes commisisset, Britannia fere tota amissa est	V	F
8. Nero autem nulla alia detrimenta Romanis intulit: eo imperante, duas alias urbes Britanniae Romani ceperunt	V	F
9. Hadrianus Britanniam defendere voluit, sed nihil ad hoc fecit	V	F
10. Severus certior factus est Britanniae partem, post multa et gravia proelia, a fortissimis hostibus captam esse	V	F
11. Vallum, quod Severus aedificavit, longissimum et munitissimum erat	V	F
12. Severus mortuus est in Britannia, quia in morbum inciderat	V	F
13. Bassianus et Gaeta, eius filii, eum secuti sunt in imperium	V	F

3. Scegli la risposta esatta fra quelle proposte:

1. Quis est Claudius?
 - a. Unus ex principibus qui post Augustum imperium ceperunt
 - b. Imperator quem Vespasianus secutus est
 - c. Imperator qui, post Britannicum bellum, insulam vallo defendere voluit
 - d. Imperator qui Britannici filius fuit
2. Cur Claudius Britanniam petivit?
 - a. Quia multi alii in Britanniam post Caesarem iverant
 - b. Quia, victoriam gloriamque volens, multa bella tulit
 - c. Quia Vespasianus iam Vectam insulam imperio Romano adiecerat
 - d. Quia antiqui Romani Britannos vicerant et insulae magnam partem ceperant
3. Quid fecit Nero?
 - a. Nero, vir nullae virtutis, post Claudium princeps fuit, idemque Britanniam amisit
 - b. Nero Britanniam amisit, sed alia bella pro imperio Romano gessit et multas provincias ei adiecit
 - c. Nero Britanniam amisit sed nulla alia mala imperio Romano fecit
 - d. Nero Britanniam amisit sed Vespasianus, ab eo missus, Vectam cepit
4. Quid fecit Severus?
 - a. Severus voluit rursus Britanniam totam capere
 - b. Severus Bassianum et Getam, suos filios, in Britanniam misit, ut eam defenderent
 - c. Severus parvam fossam et vallum cum turribus fecit ut Britanniam defenderet
 - d. Severus voluit defendere Britanniae partem quae ab hostibus capta non erat

4. Scegli la risposta esatta fra quelle proposte:

1. r. 4. **quisquam** è:
 - b. Un pronome interrogativo
 - c. Un aggettivo indefinito
 - d. Un pronome indefinito
 - e. Un pronome relativo
2. r. 7. **hoc** è:
 - a. Pronome dimostrativo ablativo singolare
 - b. Aggettivo dimostrativo ablativo singolare
 - c. Pronome dimostrativo accusativo singolare
 - d. Aggettivo dimostrativo accusativo singolare
3. r. 13. **quod** è:
 - a. Pronome relativo nominativo neutro singolare
 - b. Aggettivo interrogativo nominativo neutro singolare
 - c. Pronome relativo accusativo neutro singolare
 - d. Congiunzione subordinante causale
4. r. 15. **defendendam** è:
 - a. Participio presente
 - b. Participio passato
 - c. Gerundivo
 - d. Gerundio

5. Trasforma le seguenti proposizioni secondo quanto suggerito:

a. r. 1 *Volens*

Qui _____

b. r. 5 *Ultra Britanniam in Oceano positas*

Quae ultra Britanniam in Oceano positae _____

c. r. 8: *Qui post Neronem imperavit*

Post Neronem _____ (si usi una forma implicita)

d. r. 8 *In Britanniam missus*

Cum in Britanniam _____

e. rr. 9-10. *Succedens autem Claudio in imperium Nero*

Ubi autem Claudio in imperium Nero _____

f. r. 11 *Nerone imperatore*

Dum Nero imperator _____

g. r. 13 *Ad Britanniam defendendam*

Britanniae _____ causa

h. r. 14 *Cum vidisset*

Quia _____

6. Inserisci le parole mancanti, flettendole in modo adeguato nel seguente brano, tratto dal prosieguo di quello analizzato:

Postea Diocletianus XXXIII ab Augusto _____ ab exercitu electus est, Maximianumque socium creavit imperii. Quorum tempore Corausius _____, genere quidem infimus, sed consilio et _____ promptus, cum ad observanda Oceani litora, quae tunc Franci et Saxones infestabant, positus, plus in perniciem quam in profectum _____ ageret, ereptam praedonibus praedam ex nulla _____ restituendo dominis, sed sibi soli vindicando. Neque abfuit suspicio, quin ipsos quoque hostes ad incursandos fines artificii negligentia permetteret; _____ ob rem, a Maximiano iussus occidi, purpuram sumpsit, ac Britanniam occupavit. Qua sibi per VII annos fortissime vindicata ac retenta, tandem fraude Allecti socii _____ interfectus est. Allectus postea ereptam Carausio insulam per triennium tenuit; quem Asclipiodotus praefectus praetorio oppressit, Britanniamque post X annos _____.

qui, quae, quod
quidam, quaedam, quoddam
manus, us f.
respublica, ae f.

recipio, is, cepi, ceptum, ěre
suus, a, um
imperator, is m.
pars, partis f.